



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 27. Schisma in Scotia.

---

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

cuit; nam ex Anglia redux, cum ad Sæcul. XII.  
S. Dionysium pergeret, in itinere frige- A. C. 1179.  
scentibus subito membris paralyti affe-  
ctus est, quæ mediam corporis partem  
omni sensu privavit. In Dominica post  
Festum Omnium Sanctorum, die quarta  
Novembris, Guilielmus Archiepiscopus  
Remis Concilium cum omnibus provin-  
ciæ suæ Episcopis celebravit.

## §. XXVII.

*Schisma in Scotia.*

In Scotia Ecclesiam S. Andreæ, Richar-  
do Episcopo ad æterna translato, Schis-  
ma divisit. Quippe Canonici Magistrum  
Joannem elegerunt, contra vero Gui-  
lielmus Rex Hugonem Capellanum suum,  
a se nominatum, ab Episcopis Regni sui  
consecrari iussit, in superhabita appella-  
tione, qua Joannes Adversarios suos ad  
Papam, litis hujus Judicem futurum,  
provocaverat. Alexander Papa Ale-  
xium Ecclesiæ Romanæ Subdiaconum in  
Scotiam misit, qui Hugone, tanquam vi  
intruso, deposito, & confirmata Joannis  
electione, eundem ordinari præcepit,  
ex licentia Regis, qui, id suadentibus E-  
piscopis, consenserat, ut censura Inter-  
dicti, cui Legatus Dioccesim S. Andreæ  
subjecerat, tolleretur. Quo facto sta-  
tim Rex Joannem regno suo exesse iussit.  
Hugo autem ut Episcopum se gerens, si-  
cut ep. 55.

*Auct. Aquicinct. an.*  
1179.

*Roger. Ho-*  
*ved.*

*Alex. III.*  
*cut ep. 55.*

Sæcul. XII.  
A.C. 1179.

ep. 56.

cut antea, viæ se dedit, Romam iturus, Oratorii Episcopalis supellectilem, cum annulo & Pedito auferens. Quare ab Alexio Legato excommunicatur, eamque deinde sententiam Papa, data ad Præsules Scotiæ & speciatim ad Clericos Sancti Andree Epistola, confirmavit.

ep. 57.

Sed ulterius progressus est Papa; nam Legatione in Scotia Rogerio Archiepiscopo Eboracensi collata, iussit eum & Hugonem Episcopum Dunelmensem in Regem Scotiæ Censuram Excommunicationis ferre, ejusque Regnum Interdicto subicere, nisi Joannem Episcopum quæta possessione Ecclesiæ S. Andree frui sineret. Joanni vero, data Epistola, præcepit, ne Sedem hanc vel metu vel quacunque alia ex causa desereret, aut aliam hac dimissa reciperet, adjecta pœna, si id faceret, utraque Ecclesia cariturum. Regi Scotiæ quoque scripsit comminatus, nisi obtemperaret, se ejus Regnum iterum alteri subjecturum (haud dubie potestati Regis Angliæ) sed Rex Scotiæ Guilielmus, spretis his minis, Joannem Episcopum S. Andree, ejusque propinquum Matthæum Episcopum Aberdoniensem e Regno suo expulit. Quare Archiepiscopus Eboracensis, Episcopus Dunelmensis, & Alexius Legatus, ut mandata Pontificis exequerentur, Censuram

suram excommunicationis in Regem, & Sæcul. XII.  
Interdicti in Regnum protulerunt. A. C. 1180.

## §. XXVIII.

*Lando Antipapa vela contrahit.*

Hoc anno millesimo centesimo octogesimo Alexander Papa Landonem Antipapam, qui Innocentius III. vocari ambiebat, domuit. Quippe Alexander, hujus rebellis superbiam multo magis indignatus quam ejus Antecessorum, quibus Imperator, multique alii Sectatores, favebant, postquam cum Cardinalibus consultasset, ipsis suadentibus, eorum Collegis reconciliatus est Propinquus Antipapæ Octaviani, cujus frater Landoni præsidium præstabat. Ab eo igitur, data magna pecuniæ vi, Arcem Palubarum, hujus Antipapæ receptaculum, coemit, sicque Hugonis Cardinalis, alio nomine Hugucionis, ex Petri Leonis prosapia orti industria, Landonem cepit. Ipse, ad Papæ pedes supplex demissus, ad Cavas cum sociis in exilium deportatus est. Tam paucos autem asseclas habuit, ut plerique Scriptorum nullam de eo mentionem faciant. Ergo non ante quam Landone capto Schisma penitus extinctum est.

Sup. C. 2.

Auct. Aquin. an.

1179. v. Pag. 1180.

## §. XXIX.